


Giubileum 100 onns



Cronica 1989-2014

Chor mischedau Sedrun

Giubileum da 100 onns

Cronica 1989 – 2014 da Norbert Berther

Cuntegn

Salid e beinvegni dil president	4
75 onns Chor mischedau Sedrun	5
Giubileum da 75 onns	6
L'activitad da cant cuntinuescha – gronda midada da dirigents	8
Las occurrenz principalas naven da 1989 – 2014	11
Fiastas da cant	17
Contact amicabel	18
Viadis	19
Diember e structura dallas cantaduras e dils cantadurs	19
Finanzas	19
Monduras	20
Midada da statutas	20
Varga 50 onns el Chor mischedau Sedrun	22
Funcziunaris dapi 1989	22
Dirigents, vicedirigents dapi 1989	23
Commembers d'honor	24
Commembers veterans stai avon en auters chors	25
Cantaduras e cantadurs digl onn giubilar 2014	26
Litteratura	28

Salid e beinvegni

Alla fiasta da giubileum da 100 onns Chor mischedau Sedrun

Tgi sa sch' ils fundaturs han quintau da sias uras che quella fundaziun vegni ad haver ina cuntinuaziun da 100 onns? Mo sperau han els segir che l'activitad dil chor hagi in bien prosperar che cuozi ditg. Bein savend ch'ei vegni era a dar enqual burascla e stemprau. Il cant ei denton staus gia dall'entschatta in impurtont element buca mo dalla veta culturala mobein ni cunzun era dalla veta sociala dil chor. Embellir fiastas profanas e religiusas, separticipar dallas fiastas da cant, far plascher a vischins e vischinas cun sepresentar tier concerts ein activitads ch'han formau il chor. Quellas activitads han tgirau la cultura da cant ed ein adina puspei in deletg per la cuminonza. Las sentupadas ein aunc oz, ni forsa pli che mai da gronda muntada sociala. Gest el temps actual nua che tut ei en prescha ei il cant in'excellenta caschun da s'entupar, sediscuorer, star da cumpignia ed emblidar las cruschs e travaglias da mintgadi. Cantar ei era massadi per l'olma e vivonda pil cor human. Entras il cant sesarvan las poras dall'olma e dil cor e quei ei impurtont pil beinsesentir dil carstgaun.

Oz lein nus denton far fiasta, star da cumpignia ed esser engrazieivels a tuts che han tgirau ed empalau il chor. Engraziel per lur premura da promover la cultura e per la perseveronza demussada duront quels 100 onns. Senza tut quels idealists dess ei oz negina caschun da festivar. Preziau pievel da fiasta, stei si, cantei e giubilei ensem cul Chor mischedau Sedrun. Selegrei cun nus da festivar quei grondius giubileum.

En num dil chor engraziel jeu cordialmein allas uniuns che embelleschan il di da fiasta ed a tut quels che han possibilitau d'organisar il di festiv. A Vus tuts che festiveis ensem cul chor, haveis simpatia e deis sustegn in sincer Dieus paghi. Als commembers dil chor giavischel jeu vinavon bia plascher, success e satisfacziun e biaras uras en cumpignia. In grond engraziament a tuts per il grond engaschi per il bien beinstar dil Chor mischedau Sedrun.

Tadeus Giossi, president

75 onns Chor mischedau Sedrun (1914-1989)

A caschun dil giubileum da 75 onns dil Chor mischedau Sedrun ha Tarcisi Hendry scret ina stupenta cronica. Da quella vi jeu dar ina cuorta resumaziun:

1914 ei il Chor mischedau Sedrun vegnius fundaus. Sco emprem dirigent ei *Gion Antoni Monn*, in um senza scolaziun musicala, denton cun talents musicals ed ina buna vusch, staus a disposiziun. El ha ademplier quei uffeci tochen 1922. Lu ha sur *Giachen Antoni Fetz*, gest vegnius sco niev plevon a Sedrun, surpriu la direcziun dil chor. El mussava tgunsch da cantar, era denton ualti spert cuntents cun las prestaziuns. Quei ei lu semidau navenda 1948, cura che scolast *Toni Hendry* ha surpriu il chor. El fuva pli stregns e mulava pli fetg las produziuns canticas. Damai ch'el era gia dirigent dil Chor baselgia Sedrun e surcargaus cun lavur sto el abdicar igl onn 1955. Quei caschuna al chor ina gronda crisa, era muort munconza da cantaduras e canturs. Il chor sesligia. Per cletg pren scolast *Tumaisch Venzin* l'iniziativa da far renescher il chor. Suentier sia orientaziun seresulta il meini da puspei crear in chor mischedau. Entschatta 1956 vegn ei eligiu ina suprastonza – l'emprema insumma – ed approbau las empremas statutas. Ina gronda novaziun da quellas ei stada dad era recepir femnas maridadas el chor. Il pli grond success ei denton staus, ch'ins ha anflau in dirigent e quei ella persuna da scolast secundar *Vic Hendry*. Sut sia direcziun accumpogna il chor l'emissiun radiofonica «Serada tuatschina» realisada igl onn 1959 ed emessa il fevrer 1960 cun diversas canzuns bein preparadas. Il dirigent ei era staus autur dalla interessanta serada. Damai che *Vic Hendry* badnuna 1959 nossa val, eis ei puspei stau necessari d'encurir in dirigent. Scolast *Alfons Schmet* surpren cun tschaffèn e premura la direcziun dil chor. Il punct culminont da sia activitad ei la cele-

braziun dil 50avel giubileum dil Chor mischedau Sedrun ils 18 d'october 1964 staus. Suentier diesch onns abdichescha el sco dirigent. Siu successur davenenta scolast *Norbert Vinzens*. Sut sia direcziun prosperescha il chor. Quei demuossa era il fetg bien resultat dalla fiasta da cant cantunala 1980 a Mustér, dalla quala il chor ha fatg part per l'emprema gada. Da 1980-1989 pren il chor part da quater fiastas da cant cun oreifer success.

Il pensum primar dil chor ei ditg staus da cantar en baselgia, specialmein las fiastas da Nosadunna, las fiastas da procesziuns e las sepulturas. Plaunsiu ei quei semidau. Ellas statutas da 1956 secloma ei, ch'il cant profan dueigi ver la preferenza.

Denton conta il chor tuttina aunc mintgatton en baselgia, sco per exempel il di dallas olmas.

Malgrad igl intent primar ecclesiastic seprenta il chor gia baul era cun canzuns profanas, sco per exempel al Comptoir Suisse a Losanna igl onn 1926, alla fiasta districtuala da cant 1930 ed a diversas occurrenz. Era vegn ei fatg mintgatton teater ed iu sin viadi.

Per far ina buna impressiun al publicum seprenta il chor 1983 en ina mondura che vegn remplazzada per la fiasta da 75 onns entras ina nova «uniforma». In auter segn exteriur munta l'acquisiziun d'ina bandiera ensemen cun il Chor baselgia Sedrun 1964. Igl onn da giubileum 1989 ha il chor procurau per in'atgna bandiera.



Giubileum da 75 onns

Sonda e dumengia, ils 10 ed ils 11 da zercladur 1989 festivescha il Chor mischedau Sedrun il giubileum da 75 onns cun in vast program. La sonda sera ha liug in concert da gala. Igl emprem conta il Chor mischedau Sedrun ed il Chor d'affons Sedrun la cantada festiva «Himni al cant» sut la direcziun da Norbert Vinzens e Miriam Manetsch cun accumulament al clavazin da Claudio Simonet che ha era cumponiu quell'ovra. Il text deriva da sur Giusep Cathomas. Lu suondan 8 canzuns dil Cor masdo Zuoz sut la direcziun d'Albert Gaudenz cun cooperaziun dil solist Georg Fluor e dalla pianista Esther Rauch. Il Chor mischedau Sedrun seprenta suenter cun 6 canzuns sut il motto «Regurdientschas dallas fiastas da cant dils davos 20 onns». Sco finiziun suondan 3 canzuns communablas. Silsuenter procuran l'ustria e la musica tiroleza da sault «Lavan-taler Spatzen» per divertiment. La dumengia suentermezdi stat sut il motto «Fiasta populara da giubileum». Lentschatta dat la Societad da musica Sedrun. Lu suondan las producziuns dils chors vischinonts e dallas uniuns indigenas empaladas da Miriam Berther e Tarcisi Hendry: Societad da

musica Sedrun, Cor masdo Zuoz, Chor viril Segnas, Cantoreia Mompé-Medel, Chor baselgia Sedrun, Corale voce del Brenno, Dongio, Chor d'affons Sedrun, Jodlerchörli Andermatt, Chor mischedau Rueras e Resuns dil Rein Sedrun.

Suenter quei act cantic benedescha sur Giusep Cathomas la nova bandiera. Sco madretscha e padrin ein Marta Cavegn e Gion Battesta Beer vegni tsharni. Il maletg dalla bandiera ha igl artist Dea Murk creau. «El center dil maletg stat il giuven Rein. El entscheiva sia cuorsa enta Tujetsch, vegn adina pli gronds, va sgurghigliond – sco ina canzun – tras praus, uauls e cavorgias – viers la glisch dil sulegl (simbolisau entras colurs). Il giuven Rein envida da semetter cun el sin viadi viers igl etern. Las undas dallas colurs ein sco lingias da notas che laian resunar canzuns en dur e mol – sco la veta ei». (Gas. Rom., 16-6-1989). Lu conta il Chor mischedau Sedrun ed il Chor d'affons Sedrun aunc ina gada la cantada «Himni al cant». La festivitat finescha cun il plaid festiv dil president dil chor, Leci Brugger, e cun diversas honoraziuns.

Sur Giusep Cathomas benedescha la nova bandiera purtada dalla madretscha, Marta Cavegn e dil padrin Gion Battesta Beer



Al giubileum ei in grond pievel staus presents, denter auter divers hospis dalla cultura e politica. Aschia han per exempel priu part dil giubileum ils anteriurs dirigents Vic Hendry ed Alfons Schmet, il cumponist Eduard Lombriser, las autoritads tuatschinas cun il president communal Gion Beer, ils geraus Paulina Cathomas, Alfred Schmid e Mudest Venzin, il deputau Vigeli Giossi, ils dus cussegliers guvernativs Joachim Caluori ed Aluis Maissen ed il cusseglier naziunal Dumeni Columberg.

Per memoria dil giubileum ei vegniu ediu ina cassetta cun las canzuns dil concert da gala e plinavon medaglias en differents for-

mats. Dus videos retegnan il succediu da quei grond eveniment. Per gidar a finanziar las grondas expensas ei vegniu organisau ina lotteria.

Il giubileum ha pretendiu in grond engaschament dil dirigent e dils cantadurs. 55 exerczis ein stai necessaris. Specials merets per il beinreussir dalla fiasta ha il comite d'organisaziun giu cun preparar en 15 radunonzas igl andament dalla fiasta. El secumpona sco suonda: Norbert Vinzens (sectur cantic), Tarcisi Hendry (cronica), Leci Brugger (organisaziun, pressa ed invitaziuns), Francisca Cavegn (ustria), Florentin Soliva (finanzas), Ursula Deplazes (giugs), Norbert Riedi (stabiliments).

Il Chor masda Zuoz sut la direziun d'Albert Gaudenz ed il Chor mischedau Sedrun sut la direziun da Norbert Vinzens contan 3 canzuns communablas



La dumengia suentermiezdi sut il motto «Fiasta populara da giubileum» vegn ei era dau caschun da far differents giugs



L'activad da cant cuntinuescha - grondas midadas da dirigentAs

Suenter il giubileum da 75 onns va la lavur da cant vinavon. *Norbert Vinzens*, gia 20 onns dirigent, stat vinavon a disposiziun en quella funcziun. Sut sia direcziun ei il Chor mischedau Sedrun daventaus in dils megliers chors da quella categoria ella Surselva. Aschia ha el astgau ughegiar da prender part per l'emprema gada d'ina fiasta da cant federala. Quella ha giu liug ils 24-26 da matg 1991 a Lucerna. Cun il predicat «Fetg bien» ein ils Tuatschins returnai dalla fiasta. Cun arbagias dad aur (Excellent) ei era il Chor d'affons Sedrun sut la direcziun da Miriam Berther vegnius undraus a quella caschun.

Igl onn 1991 abdichescha *Norbert Vinzens* sco dirigent. La suprastonza ha encuretq senza success in successur e la finala ha *Norbert puspei* surpriu il chor tochen 1993. En quels 24 onns da dirigent ha el mussau 160 canzuns novas e 15 per part gia enconuschentas. Ils 14 da zercladur 1994 vegn el numnaus dirigent d'honor a caschun d'in concert dil Chor mischedau Sedrun.

Suenter l'abdicaziun da *Norbert Vinzens* ha il chor ditg encuretq in successur. La finala surpren scolast *Tarcisi Hendry* la bitgetta dil chor. Davart sia elecziun stat ei el protocol:



Fiasta da cant federala dils 24-26 da matg 1991 a Lucerna

1a retscha (da sen.): Francisca Cavegn, Renata Lutz, Cordula Wieser, Rafaela Caderas, Miriam Manetsch, Margrith Cavegn, Veronica Frey, Bernadetta Demund, Norbert Vinzens, Maria Barla Vinzens, Ursula Deplazes, Marta Cavegn, Benedicta Monn, Felicia Loretz, Rita Hitz, Susanne Deflorin

2a retscha : Gion Battesta Beer, Isidor Monn, Benedetg Monn, Tina Valier, Maria Halon, Lucia Cavegn, Jolanda Schmid, Claudia Berther, Anita Beer, Rita Deflorin, Victoria Berther

3a retscha: Arthur Caduff, Gion Cavegn, Tumaisch Berther, Leci Brugger, Isidor Loretz, Tarcisi Hendry, Ignazi Soliva, Norbert Riedi, Vitus Lutz, Robert Schmid, Gustav Epp, Simeon Cavegn, Gabriel Pally, Florentin Soliva, Giachen Martin Caduff, Baseli Hitz

«Tuts ein beai e cuntents!». Tarcisi era già dirigent dil Chor baselgia Sedrun ed aveva aschia ina gronda experienza da menar in chor. Igl onn 1994 fa il chor part dalla fiasta da cant districtuala a Sagogn, nua ch'el success ha denton buca cuntentau. Denton quater onns pli tard, alla fiasta da cant districtuala a Vella vegn il chor undraus cun il predicat «Fetg bien». La medema menziun retscheivan ils Tuatschins era alla fiasta da cant cantunala 1999 a Samedan.

Il punct culminont sut la direcziun da Tarcisi Hendry munta denton la representaziun dall'ovra «*Ils siat sogns Viarvs*» da César Franck (1822-1890). Ils dus chors mischedai da Sedrun e Rueras, ensemen cun igl orchester Surselva e quater solists han dau quell'ovra ils 15 e 16 d'avrel 2000 ella baselgia parochiala a Sedrun, fullanada omisduas gadas. Per ils dus chors ha la presentaziun da quell'ovra muntau in punct culminont, damai ch'igl ei aunc mai vegniu dau in'ovra da tala dimensiun en nossa val. Cun quell'ovra han ins era vuliu commemorar il giubileum da 2000 onns dall'ovra da spindrament da Jesus Cristus.

Il concert ei registraus sin in disc cumpact.

Suenter siat onns demissiunescha Tarcisi Hendry. Siu successur daventa Albert Spescha da Pigniu gl'atun 2000. El ei era cumponist ed ha cumponiu denter auter la messa latina en C-Dur ch'el chor ha cantau sin siu viadi a Mariastein ed a Selva. Mo già igl onn 2002 abdichescha el, essend occupaus sco organist en auters loghens. Per l'emprema gada daventa ussa ina dunna dirigenta dil chor, numnadamein Reka Domjan, d'origin ungaras, mo sesenta a Falera. Sut sia direcziun va il chor alla fiasta da cant districtuala a Mustér la fin da matg 2003, nua ch'el retscheiva il predicat «Bien». Muort midada da domicili sto ella denton demissiunar suenter dus onns. Puspei sa il chor eleger ina femna sco successura, numnadamein Jacinta Jacomet da Mustér. Ella era già dirigenta dil Chor

Ils siat sogns Viarvs

Sedrun
15 d'avrel 2000
Concert per solists
chor ed orchester
da César Franck
1822-1890

16 d'avrel 2000
allas 16.15 uras
on baselgia parochiala

Orchester Surselva
Chor mischedai
Sedrun e Rueras
Direcziun
Tarcisi Hendry

Sandra Mansch, soprán
Reto Giuseppe Inzer, tenor
Lukas Albrecht, tenor
Alvin Mouth, bass

Concert

Prevenida: Solida fiduziaria SA 7188 Sedrun 081/949 22 01
gliendistis tochen venderdis 08.00-12.00 e 13.30-18.00 uras

Frontispezi dil program dil concert «Ils siat sogns viarvs» da Cesar Franck dils 15 e 16 d'avrel 2000

da dunnas Cantalegra da Mustér ed haveva aschia già experienza da direger. Ella ha se-schau eleger muort sia pissiun pil cant e per la musica. 2006 va ella cul chor alla fiasta da cant cantunala a Cuera e raccolta il predicat «Fetg bien». Già in onn suenter sepresenta il chor alla fiasta districtuala a Domat e vegn a casa cul predicat «Bien». Suenter treis onns sto ella denton constatar che las finamiras dil chor corrispundevien buca a sia intenziun e remetta perquei siu uffeci. Per cletg ha il chor gleiti puspei anflau ina successura: Maria Regina Wilms surpen igl atun 2008 il chor.

Ella ei musicista da professiun, oriunda dalla Tiaratudestga, denton dapi enzacons onns sesenta a Mustér. Beingleiti sefa il chor en, ch'ella ha bien streh da mussar en canzuns, e quei da maniera qualitativa e sperta. Sut sia direcziun va il chor igl onn 2011 alla fiasta da cant districtuala a Glion e vegn remunerat per sia buna prestaziun cun il predicat «Fetg bien». Igl atun sisu demissiunescha ella, surpren denton il chor aunc per in onn,

denton cun la cundiziun da buca realisar pli grondas activitads. Igl anflar ina successiun ei quella gada stau fetg difficil. La finala ha scolast *Gieri Spescha* che diregia gia ils chors da Rueras e Sedrun aunc surpriu igl atun 2012 il Chor mischedau Sedrun. Entras siu grond engaschi e sia liunga experienza sco dirigent ha el saviu realisar cul chor in concert da Nadal ed in da primavera ensemen cul Chor mischedau Andiast.



Fiasta da cant districtuala dils 31 da matg 2003 a Mustér

1a retscha (da sen.): Bernadetta Demund, Marianna Monn, Tresa Arquint, Jolanda Schmid, Reka Domjan, Regula Schmid, Ervina Estermann, Ursula Deplazes, Marta Cavegn

2a retscha: Francisca Cavegn, Astrid Monn, Bernadetta Cathomen, Tina Valier, Irma Wirth, Giuana Beer, Rita Hitz, Norbert Vinzens

3a retscha: Tumaisch Berther, Arthur Caduff, Gion Cavegn, Gabriel Mosimann, Hans Monn, Lucas Soliva, Robert Schmid, Bruno Estermann, Leci Brugger, Giusep Riedi

Las occurrenzas principalas naven da 1989 – 2014

- 1989/90 Concert da Nadal
Concert pil Club da curling Sedrun
Concert pils hospes da vacanzas ensemen cun las uniuns dalla val
Concert cun l'Uniun da harmonias Cadi
Beneventaziun dil Chor baselgia Sedrun tiel retuorn dalla Fiasta ceciliana
- 1990/91 Concert pil Club da curling Sedrun
Concert pils hospes da vacanzas. Pintga participaziun
Concert primavaun ensemen cul Chor mischedau dad Oberhallau a Sedrun e cun la Gruppa da corns da catscha Badus
Beneventau la Societad da musica Sedrun tiel retuorn dalla fiasta da musica a Ligiaun
Fiasta da cant federala a Lucerna
Cantau pil giubileum da 700 onns Confederaziun svizra a Sedrun



Fiasta da cant districtuala dils 2-3 da zercladur 2007 a Domat

1a retscha (da sen.): Jacinta Jacomet, Yvonne Riedi, Marianna Monn, Bernadetta Cathomen, Jolanda Schmid, Erica Kalmar, Rita Hitz, Corina Manetsch, Marta Cavegn

2a retscha: Astrid Monn, Bernadetta Demund, Francisca Cavegn, Erika Selmer, Tina Valier, Ursula Deplazes, Ervina Estermann, Doina Buzut

3a retscha: Tumaisch Berther, Arthur Caduff, Gion Cavegn, Lucas Soliva, Silvio Soliva, Hans Monn, Placi Candinas, Giusep Berther, Giusep Riedi, Leci Brugger, David Tuor, Bruno Estermann, Simeon Cavegn, Erich Vuk, Donat Spescha

- 1991/92 Concert da Nadal ensemen cul Chor baselgia Sedrun, cul Chor mischedau Rueras e cul Chor d'affons Sedrun a Rueras ed a Sedrun
 Concert ensemen cul Chor mischedau dad Oberhallau a Hallau
 Lotto
 Sera d'anniversari da 70 onns per Gion Battista Beer, padrin dalla bandiera
- 1992/93 Registraziun pil radio romontsch (mira p. 29)
 Cantau pil giubileum da 50 onns dall'Uniun da catschadurs Badus
 Cantau per l'inauguraziun dall'orgla restaurada dalla caplutta da Zarcuns ch'era vegnida translocada per enzacons onns el museum sursilvan Cuort Ligia Grischa a Trun
- 1993/94 Cantau pil Club da curling Sedrun
 Fiasta da cant districtuala a Sagogn
 Concert e fiasta da renconuschientscha per Norbert Vinzens ch'ei vegnius numnaus dirigent d'honor dil Chor mischedau Sedrun ch'el ha menau naven da 1969-1993
- 1994/95 Cantau pil Club da curling Sedrun
 Concert da primavera ch'ei staus sut il sequent motto: Canzuns da cumponists contemporans, canzuns dad autras tiaras, cant e musica da nossa giuventetgna
 Cant da beinvegni alla fiasta da cant ceciliana che ha giu liug a Sedrun
 Cantau per la messa nuviala da pader Vigeli Monn
- 1995/96 Concert da Nadal a Rueras
 Cantau pil Club da curling Sedrun
 Concert primavaun en collaboraziun cun il cabaret „Paun cun péra“

Da gentar alla fiasta da cant districtuala a Domat dils 2 e 3 da zercladur 2007: Bernadetta Demund, Silvio Soliva, Giusep Berther, Jacinta Jacomet, Bruno Estermann, Astrid Monn, Ervina Estermann (da sen.)



- 1996/97 Concert da Nadal
 Concert da primavera ensemen cul Chor mischedau da Suraua a Sedrun ed a Surcasti (Lumnezia)
 Cantau a caschun dalla radunonza annuala dalla Pro Raetia a Tujetsch
 Revediu las satutas
- 1997/98 Concert da Nadal cul Chor baselgia Sedrun e la Musica giuvenila Sedrun
 Concert ensemen cul Chor viril da Trin a Trin ed a Sedrun
 Collaboraziun: Ils cantauturs passionai: Pascal Gamboni, Curdin Brugger, solista: Sandra Munsch, Clavazin: Petra Tuor
 Fiasta da cant districtuala a Vella
- 1998/99 Concert da Nadal ensemen culs chors mischedai da Rueras e Sedrun, cun la Societad da musica Sedrun, la solista Sandra Munsch ed igl organist Clau Scherrer
 Cantau alla presentaziun dil cudisch „Il tuc dil zenn grond“ da Vic Hendry
 Fiasta da cant cantunala a Samedan
- 1999/
 2000 Ils siat sogns Viarvs: concert per solists ed orchester da Cesar Franck cun participaziun digl Orchester Surselva e dils chors mischedai da Sedrun e Rueras
 (Pervia da quei concert desistiu dil concert tradiziunal da Nadal)
- 2000/01 Concert ensemen cul Chor viril da Sagogn a Sagogn ed a Sedrun
 Collaboraziun: Gruppa da corns da catscha Badus
- 2001/02 Concert da Nadal ensemen cul Chor baselgia Sedrun e cun la solista Sandra Munsch
 Cantau la messa latina en C-Dur dad Albert Spescha a Mariastein (SO) ed a Selva

A caschun dalla radunonza generala dil District da cant Surselva dils 7 da matg 2010 vegnan Rita Hitz, Simeon Cavegn e Tina Valier honorai sco veterans (25 onns) (da sen.)



- 2002/03 Concert da Nadal ensemen cun la gruppa da cant Krambambuli (Mustér) e cun la solista Reka Domjan
Fiasta da cant districtuala a Mustér
- 2003/04 Concert da Nadal
Concert da primavera. A quella caschun dau il toc humoristic „Romeo e Giulia a Sedrun“ translataus da Hubert Venzin che ha era fatg la reschia.
- 2004/05 Concert da Nadal ensemen cul Chor mischedau Vella a Sedrun ed a Vella
Cantau alla festividad dad 800 onns baselgia s. Vigeli
Beneventau la Societad da musica da retuorn dalla fiasta da musica a Falera
- 2005/06 Cantau ensemen cul Chor mischedau Rueras da Silvester ella baselgia parochiala
enzacontas canzuns meditativas per la scumiada digl onn
Concert primavaun cul Quartet da Pigniu
Fiasta da cant cantunala a Cuera
Beneventau la Societad da musica da retuorn dalla fiasta federala da musica Lucerna
- 2006/07 Concert da Nadal cun la Societad da musica Sedrun
Fiasta da cant districtuala a Domat
- 2007/08 Concert da Nadal ensemen cul Chor da dunnas Cantalegra (Mustér) en collaboraziun culs scolars da gitarra da Jacinta Jacomet e dil trio Doina Buzut, Erika Kalmar, Jacinta Jacomet e dalla pianista Yvonne Flepp

**La dirigenta,
Maria Regina Wilms,
alla fiasta da vischnauna
dils 29 d'ust 2009 a
caschun dil cant per in e
scadin.
Il CMS haveva organisau in
stan da caffè e pettas sil
parcadi communal**



- 2008/09 Concert da Nadal ensemen cul Chor baselgia Sedrun
Collaboraziun alla fiasta da vischnaunca dils 29 d'ust 2009
- 2009/10 Concert da Nadal ensemen cul Cerchel musical Aua viva (Mustér)
Concert da Pastgas cun la Societad da musica Sedrun
Organisau la radunonza generala dil District da cant Surselva
- 2010/11 Concert da Nadal ensemen cun la Gruppa da corns da catscha Badus
Fiasta da cant districtuala a Glion
- 2011/12 A caschun dalla radunonza generala da 2011 haveva la dirigenta, Regina Wilms, demissiunau. Ella ha puspei surpriu il chor per in onn, denton mo per gidar ora e cun la cundiziun da buca realisar occurrenzas pli grondas.
Cantau il matg ella caplutta da Nossadunna dalla Claustra da Mustér
- 2012/13 Concert da Nadal ensemen cul Chor baselgia Rueras e cun las buobas dil scalem superiur da Sedrun
Concert primavaun ensemen cul Chor mischedau Andiastr ad Andiastr ed a Sedrun
Cantau ella caplutta da Nossadunna dalla Claustra da Mustér
Beneventau la Societad da musica Sedrun da retuorn dalla fiasta da musica cantunala a Cuera
- 2013/14 Concert da Nadal ensemen cun la gruppa Kontra cant Glion
Fiasta da giubileum da 100 onns dils 31 da marg 2014

**Concert
da Nadal**

Chor mischedau Sedrun
Direziun: Gieri Spescha

e Kontra.cant
Direziun: Flavio Bindi

*s. Stiafen, gievgia,
ils 26.12.2013
allas 20.15 uras*

*En baselgia
parochiala
Sedrun*

frs. 18.-

Il concert da Nadal auda tier las occurrenzas tradiziunalas dil Chor mischedau Sedrun.
Cheu il program da 2013

Per che tut quellads activitads gartegien, drova ei bia exercezi. Il chor entscheiva il bia con las emprovas la fin da settember e finescha igl onn da cant l'entschatta zercladur. Intragliauter exercitescha el pressapauc 35 gadas ed a caschun d'in concert seraduna el magari ad in camp da cant da pliras uras. Tenor ils protocols selamentan ils dirigents denton magari da pintga frequenza e da schliata disciplina. Denton mauncan differentas cantaduras e differentes cantadurs mai ni fetg pauc. Per ver muncau neginas tochen duas gadas retscheivan els tochen igl onn 2000 in buccalin e dapi lu in schenghetg en fuorma da victualias ni bubrondas. Sper las activitads menziunadas avon seprenta il chor era ad occurrenzas tradiziunalas: di dallas olmas, viseta alla Tgèsa s. Vigeli, di da suppa, di dallas mummas, cantar a Selva ina dumengia da pelegrinadi, fiasta d'emprem d'uost. Era conta el tier diversas caschuns sco nozzas, giubileums, radunonzas,

sepulturas eav. Era enteifer ils davos 25 onns han surtut ils dirigents, lu ils vicedirigents, la suprastonza, ils assessurs, ils revisurs e buca d'emblidar las pedellas e numerusuas cantaduras e plirs cantadurs prestatu gronda lavur. Ina impurtonta contribuziun per la cultura dalla vischnaunca!

Sper las varts suleglivas ha ei denton era dau cametg e tempiasta. Plirs svaris han disturbau l'atmosfera, gie schizun periclitau l'existenza dil chor. Enteifer ils davos 25 onns ei il diember dils commembers sereducius e las vuschs giuvnas e mesaunas mauncan per gronda part. In grond problem munta adina puspei la difficultad d'anflar in dirigent, aschia che l'existenza dil chor ei era cheu stada periclitada.

Las activitads las pli impurtontas ein las fiastas da cant gia menziunadas avon. Perquei duein ellas aunc vegnir enumeradas separadamein:



Fiasta da cant districtuala dils 28-29 da matg 2011 a Glion

1a retscha (da sen.): Italo Daglio, Rita Hitz, Bruno Estermann, Bernadetta Demund, Norbert Berther, Francisca Cavegn, Marianna Monn, Marta Cavegn, Regina Wilms

2a retscha: David Tuor, Astrid Monn, Bernadetta Cathomen, Ervina Estermann, Giusep Berther, Corina Manetsch, Ursula Deplazes, Ilse Henger

3a retscha: Placi Candinas, Marianne Daglio, Ruth Giossi, Arthur Caduff, Lucas Soliva, Tumaish Berther

4a retscha: Simeon Cavegn, Tina Valier, Meinrad Giossi, Gion Cavegn, Tadeus Giossi, Leci Brugger

Fiastas da cant

(Las canzuns corrispondentas ein registradas dil Radio romontsch, mira p. 29-30)

Fiastas da cant districtualas sursilvanas

- Sagogn 1994 Dirigent: Tarcisi Hendry
Canzun: L'emprema neiv. Cumponist: Tenor ina melodia da Giusep Huonder, tschentau da Walter Aeschbacher. Text: Carli Fry
Quei onn ei vegniu dau negins predicats. L'impressiun generala secloma: Der Vortrag fiel auf durch dynamische, rhythmische und sprachliche Arbeit. Hingegen litt die Darbietung an den harmonischen Trübungen. Wir möchten den Chor aufmuntern mit diesem guten Stimmenmaterial weiterzuarbeiten.
- Vella 1998 Dirigent: Tarcisi Hendry
Canzun: Ei neiva. C.: Giusep Huonder. T.: Vic Hendry
Predicat: Fetg bien
- Mustér 2003 Dirigenta: Reka Domjan
Canzun: La veta da zagrenders. C.: Robert Schumann. T.: Conradin Giger
Predicat: Bien
- Domat 2007 Dirigenta: Jacinta Jacomet
Canzuns: Tschiel stelliu. C.: Peter Appenzeller. T.: Gion Luregn Derungs
La davosa steila. C.: Carli Scherrer. T.: Gion Luregn Derungs
Predicat: Bien
- Glion 2011 Dirigenta: Regina Wilms
Canzuns: La sera sper il lag. C.: Gion Balzer Casanova. T.: Flurin Camathias. Desideri. C.: Armin Caduff. T.: Gion Martin Pelican
Predicat: Fetg bien

Fiastas da cant cantunalas

- Samedan 1999 Dirigent: Tarcisi Hendry
Canzun: Raccolta. C.: Gion Giusep Derungs. T.: Donat Cadruvi
Predicat: Fetg bien
- Cuera 2006 Dirigenta: Jacinta Jacomet
Las giallinas. C.: Curo Mani. T. Emil Buchli
Canzun: Il pastur egl orcan. C.: Alvin Muoth. T.: Sep Mudest Nay
Predicat: Fetg bien

Fiastas da cant federalas

- Lucerna 1991 Dirigent: Norbert Vinzens
Canzun: Sesaulza mi'olma. C.: Giusep Huonder. T.: Augustin Manetsch
Predicat: Fetg bien

Contact amicabel

Tenor las statutas munta igl intent dil chor la tgira e promoziun dil cant ed igl embellir las fiastas profanas ed ecclesiasticas. Dasperas vul el era cultivar il contact amicabel denter las cantaduras ed ils cantadurs. Quella davosa mira vegn buc'alla cuorta. A caschun d'in natalazi conta il chor ina canzun ed il giubilar offerescha magari in sitg ell'ustria, nua ch'ils cantadurs van il bia suenter igl exercezi. Ha il cantadur in giubileum rodund envida el mintgaton il chor ad in puschnegn a casia ni ell'ustria. Lu dat ei occurrenzas tra-

diziunalas sco s. Clau e puschnegn da Daniev suenter igl emprem exercezi egl onn niev. Ulteriuras occurrenzas ein nozzas, sgursaladas, visetas d'in teater, ir a magliar groma, seras da fondue, grilladas eav. Per promover il cant en cumpignia ha il Chor ediu naven da 1979 entochen 2008 quater carnets da canzuns. Igl onn 1992 han ils chors mischedai da Rueras e Sedrun publicau in cudisch da cant pli grond cun notas sut l'egida da Tarcisi Hendry.

Grond'attracziun han mintgamai ils viadis che vegnan enumerai cheu separadamein:

A caschun dil viadi a Thun dils 20 e 21 d'uost 2011 ha il chor era visitau la cavorgia imposanta dall'Aara. Sil viadi anavos aunc in refrestg el «Hotel Grimsel Hospiz»



Viadis

- 1995 Puschlav e Veltlina
2001 Bregenz. Viseta dall'opera „La Boème“ da Giacomo Puccini
2002 Marienstein (SO). Cantau ella claustra la messa en C-Dur d'Albert Spescha
2003 Ballenberg, Interlaken (Mysteri Park)
2008 Poschiavo. Viseta a Morteratsch, Cavaglia e Muottas-Muragl
2011 Thun al festival: Die Käserei in der Vehfreude dad Jeremias Gotthelf.
Visitau la cavorgia dall'Aara e las taunas da Beat

Diember e structura dallas cantaduras e dils cantadurs

Suenter il giubileum da 1989 ei il diember da commembers da 50 semantenius pressapauc pèr in per onns. Denton eis el lu sereducius plaun a plaun tochen ver 30. Denter ils commembers ein adina las femnas stadas ella maioritad. Ellas ein era stadas differents gadas ella suprastonza. Denton il presidi ei pèr 1992 ius en mauns d'ina femna, numadamein da Claudia Berther. Naven da 2004-2011 ha Bernadetta Cathomen menau il chor. El decuors dils onns ein era differents cantadurAs da lungatg tudestg ed era da Rueras entrai el chor. Igl onn 2011 extrescha in pulit diember dil chor pervia da svaris. Persuenter entran enzacontas cantaduras da Mustér, damai che lur Chor da dunnas Cantalegra ha calau d'exister. Ils onns suenter ein zacontas ulteriuras suandadas sco era in cantadur da Mustér ed in da Rabius.

Ferton ch'il diember da commembers ei sereducius, ei lur intragliauter da vegliadetgna carschius: Ei maunca per gronda part las vuschs mesaunas e surtut giuvnas. Differents appels a quella adressa, sco era a scolarAs dallas davosas classas han buca giu success. Denton las cantaduras ed ils cantadurs pli passai, per part numerus onns activs, muntan in fundament solid dall'existenza dil chor.

Finanzas

Per cuvierer las differentas spensas drova il chor mieds finansials. Quellas ein secapescha carschidas el decuors dils onns. Muntavan ellas igl onn 1990 a 5000 frs., ein ellas carschidas tochen sin 12'400 frs. igl onn 2013. La pli gronda expensa munta la paga dil dirigent ch'ei carschida giustificadamein el decuors dils onns. Per cuvierer las expensas ein differentas mesiras necessarias:

Grond LOTTO a Sedrun el Hotel Soliva

Sonda, ils 4 d'avrel 1992 allas 20.00 uras



BELLEZIA PREMIS

- 3 dis Paris egl Euro Disney per 2 personas
- antenna Parabol. televisiuns
- velo «Mountain-Bike»
- schambuns, canasters
- skis etc.

Cordialmein envida Chor mischedau Sedrun

Ina dallas meglieras resursas muntan ils lottos

contribuziuns annualas dils commembers, entradas da concerts e dad autras occasiuns, contribuziun annuala dalla vischnaunca, vendita da sbrinzladers, cullis e pins, per demonstraziuns da products (uorden da casa etc.), brevs per sustegn finanziel all'entira populaziun, lavar la baselgia da Selva e lavar cumina. Quella consista il bia enten mundar pastiras. Damai che buca tuts savevan ademplir quella obligaziun, aveva il chor decidiu 2003 dad incassar 30 frs. da quels. Quei ha lu caschunau per part schliet saung e perquei ha il chor desistiu 2012 da quella mesira. La contribuziun annuala dils commembers ei carschida el decuors dils onns sin 50 frs. per tut ils commembers, era per quels d'honor. Per excellentas entradas han lottos ed in turnier da troccas procurau. Beinvegnidas ein era donaziuns, magari era destinadas entras testament.

Monduras

Dapi igl onn 1983 se presenta il chor tier occasiuns pli grondas en ina mondura. Per il giubileum da 75 onns se presenta il chor en sia secunda „uniforma“ (foto p. 8). Quella vegn remplazzada igl onn 1996 d'ina nova (foto p. 10-11) La davosa midada ha giu liug igl onn 2008 (foto p. 16).

Midadas da statutas

Igl onn 1996 mida il chor per la quarta gada las statutas che van en vigur 1997. Las midadas impurtontas ein las sequentas: La finamira dil chor vegn amplificada entras la disposiziun da dar in concert annual. Il diember dalla suprastonza vegn reducius da tschun sin treis, numnadamein sil presi-



Il lavar la baselgia da Selva ei ina incumbensa annuala dil chor. Cheu ils participonts: Marta Cavegn, Ruth Giossi, Luzia Deflorin, Antonia Wilhelm, Meinrad Giossi, Maria Lozza, Silvio Soliva, Ilse Henger, Lucas Soliva, Norbert Berther, Giusep Berther (da sen.)

dent, actuar e cassier. Ils uffecis da vicepresidente ed assessur crodan. Era la cumissiun da cant vegn dismessa. Igl onn 2005 dat ei ina revisiun parziala digl artechel 8: Tochen quei onn pagavan ils commembers honoraris neginas contribuziuns. Naven da lu eis ei vegniu stabilu che tuts commembers, exclu-

siv il dirigent ed il vicedirigent, paghien ina contribuziun annuala che vegn fixada dalla radunonza generala. Quella disposiziun ei stada necessaria, damai che bia cantaduras e cantadurs eran commembers honoraris, aschia ch'ìl recav da quella sparta era memia pigns.

Tochen 2005 retschevevan ils commembers d'honor in tagliar da lenn ni da zinn e las cantaduras ed ils cantadurs che havevan muncau 0 tochen 2 gadas ils exerchezis da cant in buccalin tochen igl onn 2000



A caschun dil viadi a Poschiavo dils 7 ed 8 d'october 1995 ha il chor era visitau la sedia dalla firma Triacca, la «Tenuta la Gatta» a Sondrio. Ils bizochels e specialmein il vin gustan

Varga 50 onns el Chor mischedau Sedrun



Bernadetta Demund (65 onns)



Francisca Cavegn (56 onns)



Marta Cavegn (56 onns)

Funcziunaris dapi 1989

Presidents

Brugger Leci	1986 – 1992
Berther Claudia	1992 – 1993
Loretz Isidor	1993 – 1997
Munsch Marcus	1997 – 2001
Brugger Leci	2001 – 2004
Cathomen Bernadetta	2004 – 2011
Giossi Meinrad	2011 – 2013
Giossi Tadeus	2013 –

Cassiers

Soliva Florentin	1986 – 1991
Berther Claudia	1991 – 1992
Hallon Maria	1992 – 1993
Schmid Jolanda	1993 – 1997
Cavegn Gion (*1956)	1997 – 1999
Caduff Arthur	1999 – 2007
Cavegn Simeon	2007 – 2010
Tuor David	2010 – 2012
Berther Giusep	2012 –

*Remplazzau Irena Monn che ha stuiu seretrer pervia da malsogna

Assessurs e bandierels

Riedi Norbert	1987 – 1991
Lutz Vitus	1991 – 1993
Deragisch Daniel	1993 – 1998
Berther Tumaisch	1999 –

Vicepresidents

Cavegn Francisca	1983 – 1989
Frey Veronica	1989 – 1991
Cavegn Gion (*1960)	1991 – 1993
Deflorin Rita	1993 – 1997

Suenter las statutas da 1997 dat ei buca pli igl uffeci da vicepresidente

Actuars

Deplazes Ursula	1985 – 1991
Valier Tina	1991 – 1993
Pally Gabriel	1993 – 1997
Monn Irena	1997 – 2000
Hitz Rita*	2000
Soliva Lucas	2000 – 2010
Giossi Tadeus	2010 – 2013
Deplazes Ursula	2013 –

Dirigents



Vinzens Norbert, 1969 – 1993



Hendry Tarcisi, 1993 – 2000



Spescha Albert, 2000 – 2002



Domjan Reka, 2003 – 2005



Jacomet Jacinta, 2005 – 2008



Wilms Maria Regina, 2008 – 2012



Spescha Gieri, 2012 –

Vicedirigents

Hendry Tarcisi 1986 – 1993

Vinzens Norbert 1993 – 2004

Giger Alexa 2000 – 2001

Munsch Sandra 2001 – 2002

Monn Hans 2005 – 2008

Suenter 2008 ha ei dau negins
vicedirigents pli.

Commembers d'honor

Mess ensemen da Meinrad Giossi

Tochen 1960 daventavan commembers d'honor ina cantadura ni in cantadur che havevan cantau 25 onns el chor. Naven da lu survegnan las femnas gia cun 10 onns quella menziun. Quella vegn dada als umens naven da 1971 cun 15 onns commembradi e naven da 1983 a tuts. En quella gliesta vegnan era menziunai ils commembers avon 1989, damai che lur datas crodan mingatun ella perioda dils davos 25 onns.

Tochen igl onn 2005 retschevevan ils honorai in taglier da lenn ni da zinn sco engraziament. Suenter han els obteniu in schenghetg.

Activs

		numnaus
Berther Tumaisch	D/C	1993
Cavegn-Berther Fancisca	D/C/F	1962
Cavegn Gion (*1956)		2010
Cavegn-Curschellas Marta	D/C/F	1975 (madretscha d. bandiera)
Demund-Berther Bernadetta	D/C/F	1962
Deplazes-Monn Ursula	D/C	1996
Monn-Jacomet Marianna	D	1978
Soliva Lucas		2013
Valier Tina	D/C/F	1994

Extrai

Beer-Sgier Anita	D	1981
Bergamin-Monn Culastia		1962
Berther-Maissen Claudia		1993
Berther-Tuor Victoria		1978
Brugger Leci	D/C/F	1987
Caduff Arthur	D	2005
Caduff Giachen Martin		1991
Cavegn-Berther Lucia		1996
Cavegn Simeon	D	1990
Curschellas-Maissen Alexandra		1981
Deflorin-Caviezel Rita		2010
Hendry Tarcisi	D/C/F	1988
Hitz Baseli		1992
Hitz-Schmid Rita	D	1999
Loretz-Deflorin Felicia		1989
Loretz-Schmed Lydia		1990
Loretz Isidor	D	1988
Monn-Deflorin Benedicta	D	1980
Pally Gabriel		1997
Riedi Norbert		1998
Schmid Robert	D/C/F	1976
Schmid-Ber Jolanda		2004

Schmid Regula		2001
Schmid-Hendry Margheta		1974
Soliva Ignazi		1991
Soliva Maria		1962
Venzin Raimund		1979
Venzin-Wieland Nescha	D	1980
Vinzens Norbert	D/C/F	1985
Vinzens-Hitz Maria Barla		1990

Defuncts

Beer Gion Battesta (padrin)	D	1986
Beer Gion		1991
Berther Anna		1967
Berther Clemens	D	1962
Berther Valentin	D	1962
Cavegn Placi Antoni	D	1979
Cavegn Nescha		1962
Cavegn Stiafen		1962
Decurtins-Ber Barla	D	1971
Hendry Baseli		1979
Hendry-Ber Georgina	D	1967
Hendry Vigeli		1972
Huonder Baseli		1964
Jacomet Leci (sco organist)		1964
Lusetti-Cavegn Felicitas	D	1962
Monn Gion		1971
Monn Benedetg		1991
Monn Gion Andriu	D	1962
Riedi-Regli Giusep		1992
Soliva Florentin		1990
Soliva Lucas		1960
Venzin Paul Benedetg		1967
Venzin Tumaisch		1960

Comembers veterans stai avon en auters chors

Berther Giusep	D/F
Berther Norbert	D/C/F
Caminada Erwin	D/C/F
Estermann Bruno	D/C/F
Giossi-Schweizer Ruth	D
Monn Astrid	D/C/F

D veteran(a) districtual(a), 25 onns / C veteran(a) cantunal(a), 30 onns
 F veteran(a) federal(a), 35 onns

Cantaduras e cantadurs digl onn giubilar 2014

Suprastonza: Giossi Tadeus, president
 Deplazes Ursula, actuara
 Berther Giusep, cassier

Direcziun: Spescha Gieri

Sopran:	entrada	Alt:	entrada
Albrecht Marie-José	2013	Cavegn Marta	1958
Cajacob Rosmarie	2011	Cathomen Bernadetta	2000
Cavegn Francisca	1949*	Deplazes Ursula	1981*
Deflorin Luzia	2011	Henger Ilse	2008
Demund Bernadetta	1949	Levy Rita	2013
Giossi Ruth	2009	Lombris Iris	2012
Lozza Maria	2011	Manetsch Corina	2003
Lutz Renata	1988*	Manetsch Frieda	2011
Monn Astrid	2002*	Wilhelm Antonia	2012
Monn Marianna	1968*		
Schnoz Laurenzia	2011		
Valier Tina	1979		
Tenor:		Bass:	
Berther Tumaisch	1978	Berther Giusep	2005
Cavegn Gion (*1956)	1993*	Berther Norbert	2007
Giossi Tadeus	1979*	Caminada Erwin	2012
Soliva Silvio	2005	Degonda Pieder	2013
		Giossi Meinrad	2009
		Soliva Lucas	1998
		Vuk Erich	2006

* Cun interrupziuns



Cantaduras e cantadurs digl onn giubilar 2014

- 1a retscha (da sen.):** Renata Lutz, Marie-Josée Albrecht, Maria Lozza, Marianna Monn, Rosmarie Cajacob, Astrid Monn, Bernadetta Cathomen, Iris Lombris, Rita Levy, Frieda Manetsch, Ursula Deplazes, Gieri Spescha (dirigent)
- 2a retscha:** Bernadetta Demund, Francisca Cavegn, Luzia Deflorin, Tina Valier, Laurencia Schnoz, Ruth Giossi, Silvana Caviezel, Corina Manetsch, Marta Cavegn, Antonia Wilhelm, Ilse Henger
- 3a retscha:** Tumaisch Berther, Gion Cavegn, Tadeus Giossi, Silvio Soliva, Giusep Berther, Meinrad Giossi, Lucas Soliva, Erwin Caminada, Pieder Degonda, Norbert Berther, Erich Vuk

Litteratura

Berther Norbert. – Il Chor mischedau sin viadi [a Thun].

En: La Tuatschina, nr. 17, 2011

Capaul Giuseppe. – 75 onns Chor mischedau Sedrun.

En: Gasetta Romontscha, nr. 48, 16-6-1989

Canzuns / Chor mischedau Sedrun. 1979, cun notas.

En: Archiv CMS

Canzuns / Chor mischedau Sedrun. 1983, cun notas.

En: Archiv CMS

Cathomen Bernadetta. – Emprema dumengia d'Advent ils 29.11.2009 [sentupada culs cus-sadents dalla Tgèsa da vegls.]

En: La Tuatschina, nr. 25, 2009

Cudisch da canzuns / Chor mischedau Sedrun, Rueras, [ed. sut l'egida da Tarcisi Hendry] . 1992, cun notas.

En: Archiv CMS

Cudisch da canzuns / Chor mischedau Sedrun. 2000?, cun notas.

En: Archiv CMS

[Cudischet da canzuns per il] Chor mischedau Sedrun. 2008, senza notas

En Archiv CMS

Hendry, Tarcisi. – Chor mischedau Sedrun. Giubileum da 75 onns. Cronica 1914-1989.

En: Archiv CMS

Munsch Marcus. – Chor mischedau Sedrun – Chor mischedau Rueras. Project 2000 „Ils siat sogn Viarvs“ da Cesar Franck (1822-1890)

En: La Tuatschina, nr. 9, 2000

Munsch Marcus. – Chor mischedau Sedrun – Quo vadis?

En: La Tuatschina, nr. 19, 2000

Munsch Marcus. – Concert communabel dils 19-05-2001: Chor mischedau Sedrun e Chor viril Sagogn. Undraziun d'ina cantadura per 50 onns cantar [Bernadetta Demund].

En: La Tuatschina, nr. 11, 2001

Programs dils concerts dil Chor mischedau Sedrun. 1989-2014

En: Archiv CMS

Protocols dil Chor mischedau Sedrun 1956-2013

En: Archiv CMS

Statutas dil Chor mischedau Sedrun 1956, 1971, 1983, 1997

En: Archiv CMS

Vinzens Norbert. – Chor mischedau Sedrun. Cordial engraziament [per la nominaziun da dirigent d'honor a caschun ils concert dil CMS dils 4 da zercladur 1994]

En: La Tuatschina, nr. 13, 1994

Vinzens Norbert. – Concert dil Chor mischedau Sedrun ensemen cul cabaret „Paun cun pèra“.

En: La Tuatschina, nr. 10, 1996

Vinzens, Norbert. – Concert communabela Sedrun [ensemen cul Chor mischedau da Suraua]. En: La Tuatschina, nr. 19, 1997

Mieds audiovisuals

Concert da giubileum: 75 onns Chor mischedau Sedrun: 10 da zercladur 1989: Chor mischedau Sedrun, Cor masdo Zuoz, Chor d'affons.

Cuera, Mobilstudio II, Grischia Sound studios, 1989. – 1 cassetta

En: Archiv CMS

Fiasta da cant Glion 28/29 da matg 2011. [Canzuns dil] Chor mischedau Sedrun. Regina Wilms, dirigenta. – [Cuera], RTR, 2011. – 1 disc cumpact

En: Archiv CMS

Giubileum 75 onns Chor mischedau Sedrun. 10-11 da zercladur 1989. Concert da gala. 1 video.

En: Archiv CMS

Giubileum 75 onns Chor mischedau Sedrun: 10-11 da zercladur 1989. Concert da gala, Dumengia fiasta populara. – 2 videos

En: Archiv CMS

Ils siat sogns Viarvs / Chors mischedai Sedrun e Rueras accumpignai digl orchester Surselva sut la direcziun da Tarcisi Hendry. – Dardin : Sound Systems, Reto Derungs, 2000. – 1 disc cumpact realisau cun sustegn dil Radio rumantsch

En: Archiv CMS

Canzuns registradas dil Radio romantsch

(Communicau da Giusep Giuanin Decurtins, redactur Radiotelevisiun Svizra romantscha (RTR))

14.3.1959: registraziun: Radio Zürich, dirigent: Vic Hendry

IL PIGN PASTUR TUATSCHIN, melodia: Gregor Brantschen, text: Giusep Durschei

NEU SUR MAR, m.: Karl Kämpf, t.: Gion Giusep Derungs (*1905)

ALLA VAL TUJETSCH, m.: W. Wittlin, t.: Sep Mudest Nay

LAUD DIL PASTUR, m.: K. Scheel, t.: Sep Mudest Nay

6.5.1986: registraziun: RTR, baselgia Sedrun, dirigent: Norbert Vinzens

MIA VAL, m.: Tumasch Dolf, t.: Gian Fontana

TUJETSCH, MIA VAL, m.: Eduard Lombriser, t.: Giusep Cathomas

LA SERA, m.: Alfons Stoffel, arr.: Duri Pelican, t.: Alfons Tuor

MIA MUMMA melodia populara, arr.: Gion Giusep Derungs (*1932), t. rom.: Placi Soliva

11.5.1993: registraziun: RTR, Baselgia Sedrun, dirigent: Norbert Vinzens

REGINA COELI, m.: Antonio Lotti, t.: liturgic

PATRIA CELESTIALA, m.: Gioacchino Rossini, t. rom.: Donat Cadruvi

IL PIGN PASTUR TUATSCHIN, m.: Gregor Brantschen, t.: Giusep Durschei

LA PENDICULARA, m.: Eduard Lombriser, t.: Victor Durschei

Fiastas da cant

14.6.1980 – Mustér: 20avla Fiasta da cant cantunala

AUA, m.: Eduard Lombriser, t.: Giusep Cathomas, dirigent: Norbert Vinzens

3.6.1984 – Laax: 38avla Fiasta da cant sursilvana

IL SUFFEL, m.: Eduard Lombriser, t.: Giusep Cathomas, dirigent: Norbert Vinzens

14.6.1986 – Scuol: 21avla Fiasta da cant cantunala
 AL FIUG, m. Eduard Lombriser, t.: Giusep Cathomas, dirigent: Norbert Vinzens

5.6.1988 – Breil: 39avla Fiasta da cant sursilvana
 LA VETA DA ZAGRENDERS, m.: Robert Schumann, t. rom.: Conradin Giger,
 dirigent: Norbert Vinzens

29.5.1994 – Sagogn: 40avla Fiasta da cant sursilvana
 L'EMPREMA NEIV, m.: Giusep Huonder, arr. Walther Aeschbacher, t.: Carli Fry,
 dirigent: Tarcisi Hendry

6.6.1998 – Vella: 41avla Fiasta da cant sursilvana
 EI NEIVA
 PRIMAVAUN, m.: Giusep Huonder, t.: Vic Hendry, dirigent: Tarcisi Hendry

19.6.1999 – Samedan: 21avla Fiasta da cant cantunala
 RACCOLTA, m.: Gion Giusep Derungs (*1932), t.: Donat Cadruvi, dirigent: Tarcisi
 Hendry

31.5.2003 – Mustér: 42avla Fiasta da cant sursilvana
 LA VETA DA ZAGRENDERS, m.: Robert Schumann, t. rom.: Conradin Giger,
 dirigenta: Reka Domjan

17.6.2006 – Cuera: 24avla Fiasta da cant cantunala
 LAS GIALLINAS, m.: Curo Mani, t.: Emil Buchli,
 IL PASTUR EGL ORCAN, m.: Alvin Muoth, t.: Sep Mudest Nay,
 dirigenta: Jacinta Jacomet-Lombriser

3.6.2007 – Domat: 43avla Fiasta da cant sursilvana
 LA DAVOSA STEILA, m.: Carli Scherrer, t.: Gion Luregn Derungs,
 TSCHIEL STELLIU, m.: Peter Appenzeller, t.: Gion Luregn Derungs,
 dirigenta: Jacinta Jacomet-Lombriser

29.5.2011 – Glion: 44avla Fiasta da cant sursilvana
 LA SERA SPER IL LAG, m.: Gion Balzer Casanova, t.: Flurin Camathias,
 DESIDERI, m.: Armin Caduff, t.: Gion Martin Pelican,
 dirigenta: Regina Wilms

energi alpina

= qualitat da viver

Cussegliaziun
Planisaziun d'electro
Installaziun d'electro
Producziun d'energia
Provediment d'energia

**energia alpina | Via Alpsu 62 | 7188 Sedrun | T 081 920 40 00
www.energia-alpina | info@energia-alpina.ch**


SOLIDA
TREUHAND AG

SOLIDA Treuhand AG
Via Alpsu 70, 7188 Sedrun
Via Sursilvana 18, 7180 Disentis
www.solidatreuhand.ch
T Sedrun 081 920 33 77
T Disentis 081 920 33 88

Vies specialist ella regiun

- ✓ administraziuns d'immobillas
- ✓ vendita d'immobillas
- ✓ contabilitad da finanzas e pagas
- ✓ cussegliaziun da taglia
- ✓ revisiuns da quens
- ✓ repartiziuns d'ierta
- ✓ cussegliaziun da dretg

